

Akademia, kakitangan UPM terima anugerah MGAP 2018

KUALA LUMPUR 30 April - Sebanyak 23 ahli akademik termasuk dua kakitangan Universiti Putra Malaysia (UPM) menerima Anugerah Fellowship Naib Canselor Majlis Gemilang Akademia Putra 2018 (MGAP 2018).

Naib Canselor UPM, Prof. Datin Paduka Datuk Dr. Aini Ideris berkata, anugerah itu diberikan bertujuan menzahirkan pengiktirafan kepada warga UPM yang memberi khidmat bakti cemerlang sekali gus menaikkan nama universiti di arena pendidikan tinggi negara dan global.

“Selain itu, anugerah ini bagi menghargai jasa dan meraikan kecemerlangan warga universiti dalam bidang kepakaran dan sumbangan kepada pembangu-

nan masyarakat serta negara.

“UPM selaku peneraju pendidikan pertanian di negara ini, bersesuaian dengan status universiti penyelidikan akan sentiasa memperkukuhkan usaha bagi memberi manfaat kepada masyarakat dan seterusnya meningkatkan kualiti hidup rakyat,” katanya ketika menyampaikan sembah ucapan di UPM, Serdang dekat sini hari ini.

Terdahulu Sultan Selangor, Sultan Sharafuddin Idris Shah berkenan menyempurnakan pemberian anugerah itu kepada semua penerima.

Yang turut hadir Pro-Canselor UPM, Prof. Tan Sri Syed Jalluddin Syed Salim; Pro-Canselor UPM, Tan Sri Lim Ah Lek dan Pengerusi Lembaga Pengarah

Universiti, Datuk Seri Syed Razlan Syed Putra Jamalullail.

Aini berkata, UPM komited untuk melonjakkan kecemerlangan berdasarkan kepada fungsi dan peranan universiti bagi memacu kemajuan negara terutamanya dalam bidang pendidikan pertanian.

“Adalah menjadi suatu amanah kepada pendidik UPM untuk memperkukuhkan bukan sahaja aspek akademik tetapi kemahiran insaniah, jati diri dan motivasi mahasiswa serta aspirasi untuk membangunkan negara pada masa hadapan.

“Dalam masa sama, kita juga akan memberikan pendidikan dan ilmu pengetahuan kepada mahasiswa selaku generasi pewaris kepimpinan negara,” jelasnya.



SULTAN SHARAFUDDIN IDRIS SHAH berkenan menyampaikan Anugerah Khas Akademia Putra kepada Prof. Datuk Dr. Mohd. Hair Bejo sambil diperhatikan oleh Dr. Aini Ideris di Serdang, semalam. - UTUSAN/ ABDUL NAZIR MOHAMED